



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-179-5/25**
Datum: **15.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JKP «Vodovod i kanalizacija» d.o.o. Tuzla za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja grada Tuzla, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE o vodnoj dozvoli

1. Daje se vodna dozvola JKP «Vodovod i kanalizacija» d.o.o. Tuzla za privremeno ispuštanje komunalnih otpadnih voda iz urbanog područja grada Tuzla, putem javnog kanalizacionog sistema u prirodni recipijent.
Ova dozvola se odnosi na sljedeće identificirane privremene ispuste i kišne prelive u nadležnosti podnosioca zahtjeva:

	Oznaka ispusta	X koordinata	Y koordinata	Napomena
GLAVNI ISPUSTI	Ispust 1	6547785,51	4930440,46	ispust u rijeku Jalu
	Ispust 2	6551194,57	4932070,55	privremeni ispust
	Ispust 3	6556379,11	4932420,43	ispust u zacijevljeni Grabov potok
KIŠNI PRELIVI	KP1	6550347,55	4931868,27	
	KP10	6555029,00	4932355,00	
	KP11	6555334,29	4932338,82	
	KP12	6556110,23	4932160,14	
	KP13	6556535,75	4932129,00	
	KP14	6551484,30	4932002,93	
	KP15	6552343,63	4932314,51	
	KP16	6554047,30	4932702,77	
	KP17	6554939,26	4932199,49	
	KP18	6555813,43	4932981,58	
	KP19	6555833,39	4932423,30	
	KP2	6551428,81	4932268,53	
	KP3	6552019,25	4932438,76	
	KP4	6552906,51	4932970,21	
	KP5	6553058,13	4933085,96	
	KP6	6553302,33	4933030,59	
	KP7	6553569,73	4932868,53	
	KP8	6554133,88	4932717,04	
	KP9	6554423,43	4932600,72	

2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
 - 2.1. Da se objekti koji čine javni kanalizacioni sistem grada Tuzla održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanalizacione mreže projektuje i izvodi isključivo separadni sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje obala i korita vodotoka na mjestima ispusta iz glavnih gradskih kolektora i kišnih preliva.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring otpadnih voda na ispuštima glavnih gradskih kolektora definisanih kao Ispust 1, 2 i 3 u tabeli iz tačke 1. dispozitiva ovog Rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u prirodne recipijente ne smije ugrožavati postojeći hemijski i ekološki status recipijenta.
5. Lokacija planiranog postrojenja za prečišćavanje urbanih otpadnih voda mora se rezervisati kroz prostorno – plansku dokumentaciju grada Tuzla i spriječiti promjenu namjene ovog prostora.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
7. U periodu važenja ove dozvole, Korisnik je dužan provoditi sve mjere i aktivnosti propisane istom.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodom dozvolom, korisnik zaštitnih vodnih objekata nije odgovoran za nastale štete.

9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, JKP «Vodovod i kanalizacija» d.o.o. Tuzla, dana 25.04.2025. godine podnesen je ovoj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja grada Tuzla, putem javnog kanalizacionog sistema u prirodni recipijent.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra (bez broja) izdatog dana 27.03.2024. godine od strane Općinskog suda u Tuzli,
- Ovjerena kopija Uvjerenja o poreznoj registraciji izdatog dana 16.02.2016. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-UPJR/1-1214-2/16 izdatog dana 29.03.2016. godine od strane Uprave za indirektno-neizravno oporezivanje Banja Luka,
- Punomoć zastupnika podnosioca zahtjeva broj: 2059/25 od 21.04.2025. godine,
- Spisak koordinata kišnih preliva i glavnih kanalizacionih ispusta,
- Situacije kanalizacione mreže grada Tuzla, mj. 1:1000 – 17 listova,
- Opis postojećeg stanja odvodnje otpadnih voda,
- Kopije ugovora o monitoringu recipijenta – rijeka Jala zaključenih dana 11.05.2023. godine i 06.05.2024. godine između JKP «Vodovod i kanalizacija» d.o.o. Tuzla i Instituta za hemijsko inženjerstvo Tuzla,
- Kopije Elaborata o ispitivanju kvalitativnih i kvantitativnih karakteristika otpadnih voda koje se ispuštaju u rijeku Jalu za JKP «Vodovod i kanalizacija» d.o.o. Tuzla, urađen u augustu 2023. godine i maju 2025. godine od strane Instituta za hemijsko inženjerstvo Tuzla,
- Kopija Rješenja o vodnoj dozvoli broj: UP-I/25-3-40-075-4/20 izdatog dana 02.06.2020. godine od strane «Agencije za vodno područje rijeke Save» Sarajevo,
- Kopija Odluke o komunalnim djelatnostima («Službeni glasnik Općine Tuzla» broj 9/07),
- Akt - Opšti uslovi za snabdijevanje vodom i uslugama odvođenja otpadnih voda općine Tuzla usvojen dana 28.01.2010. godine od strane Općinskog vijeća Tuzla («Službeni glasnik Općine Tuzla» broj 1/10),
- Akt - Tehnički uslovi za snabdijevanje vodom i uslugama odvođenja otpadnih voda općine Tuzla, usvojen dana 28.01.2010. godine od strane Općinskog vijeća Tuzla («Službeni glasnik Općine Tuzla» broj 1/10),
- Kopija Odluke o izmjenama i dopunama opštih uslova za snabdijevanje vodom i uslugama odvođenja otpadnih voda općine Tuzla (broj: 455/11 od 18.02.2011. godine),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih privremenih ispusta komunalnih otpadnih voda u prirodni recipijent - rijeka Jala u gradu Tuzla i tom prilikom je sačinjen Zapisnik o uviđaju broj: UP-1/21-3-40-179-4/25 od 03.07.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Sistem kanalizacije na području Grada Tuzla, izgrađen je uglavnom kao mješoviti sa kišnim prelivima raspoređenim duž trase kolektora. Izuzetak su naselja Stupine, Zlokovac, Sjenjak, Slavinovići i NN Solina koji imaju separatan sistem odvodnje otpadnih voda.

Prema podacima dostavljenim u toku uviđaja od strane predstavnika podnosioca zahtjeva, ukupan broj priključaka na javni kanalizacioni sistem je 28 921 i sastoji se od 25 946 priključaka za kategoriju domaćinstava i 2 975 priključaka za kategoriju pravnih lica. Ukupan broj korisnika/potrošačkih mjesta u javnom kanalizacionom sistemu Grada Tuzla iznosi 41 157 i to:

- Kategorija I (domaćinstva) – 38 182 korisnika/potrošačkih mjesta,
- Kategorija II (privreda) – 2 975 korisnika/potrošačkih mjesta.

Urbano područje grada je 100 % pokriveno kanalizacionom mrežom dok je za rubna naselja grada od 2016. godine uvedena mogućnost pražnjenja septičkih jama na osnovu aneksa ugovora sa JKP «Vodovod i kanalizacija» d.o.o. Tuzla (sklopljeno oko 2 098 aneksa ugovora).

U Tuzli postoje dva glavna sistema odvodnje otpadnih voda koji su smješteni uz lijevu i desnu obalu rijeke Jale. Lijevi i desni kolektori su izgrađeni na obalama rijeke Jale, a nizvodno od spoja ova dva kolektora, nalazi se zajednički lijevoobalni kolektor koji završava neposredno ispod TE Tuzla u Tuzli. Otpadne vode se od zajedničkog dijela kolektora ispuštaju direktno u rijeku Jalu. Duž rijeke Jale i Soline postoji 19 kišnih preliva, a duž rijeke Jale 3 ispusta. Dužina zajedničkog kolektora je 3.86 km (2 x DN 700 mm) dok je dužina lijevog i desnog kolektora oko 19,0 km. Glavni kolektori su zastupljeni sa prečnicima od DN 500 do DN 1200 mm.

Od strane podnosioca zahtjeva su registrirani privremeni ispusti i kišni prelive, za koje je prilikom analize stanja odvodnje otpadnih voda sa urbanog područja grada Tuzla, ocijenjeno da su značajni a navedeni su u tački br. 1. ovog Rešenja.

Monitoring otpadnih voda se vrši redovno od strane Instituta za hemijsko inženjerstvo Tuzla na tri mjerna mjesta: ispust 1 – Grabov potok nizvodno od kolektora gradske kanalizacije; ispust 2 – desni kolektor – lokacija Bolnica Kreka i ispust 3 – kolektor Šićki Brod (dostavljeni izvještaji iz augusta 2023. i maja 2025. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva JKP «Vodovod i kanalizacija» d.o.o. Tuzla, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja grada Tuzla, putem javnog kanalizacionog sistema, u prirodni recipijent, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 6. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-179-2/25 od 23.06.2025. godine.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifama federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- JKP «Vodovod i kanalizacija» d.o.o. Tuzla
ul 2. Oktobar br 1, 75000 Tuzla
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava